

մեծ, և ստիպէին զՀայս տօնել զՋատիկն ընդ ինքեանց .
իսկ վանականք Երուսաղէմի ոչ առին յանձն, այլ կատա-
րեցին զայն Տօն միով շարաթաւ յետոյ (1102) :

Իսկ թագաւորն Երուսաղէմի Բալտովին էառ զԿեսա-
րիա Պաղեստինացւոց աջակցութեամբ ծերակուտին Գե-
նուայ, ուր 'ի տաճարին Հերովդէի գտին զակն պատուա-
կան 'ի չափ ընկուզի միոյ, զոր կոչէին Ժորժիոս . եւ Գե-
նուացի իշխանք առին զայն 'ի վարձ զինուորակոն ծա-
ւայութեանցն՝ և տարան յաշխարհն իւրեանց :

Առին Լատինք զծովեղերեայ քաղաքն Դրիփոլի, որ ա-
սի այժմ Դարապուլուսն Դաժ, յետ պաշարելոյ զայն ամս 11,
և շինելոյ քաղաք արտաքոյ նորին : Յառման քաղաքին էր
անդ և թագաւորն Երուսաղէմի Բալտովին . եւ իշխանքն
կամեցան տալ զայն կոմսին Անտիոքայ Տանկրի, որոյ վասն
անկաւ գԺտութիւն մեծ 'ի մէջ Բալտովինի և Տանկրեայ,
մինչեւ 'ի սուր մահել զբնակիչս քաղաքին : Եւ յետ տար-
ւոյ միոյ առին նաեւ զՊերութ քաղաք (1110) :

Ի խաղալ բազմութեամբ զօրաց զօրավարն Պարսից՝ Մամ-
տուտ 'ի վերայ Երուսաղէմի՝ եւ ընդ առաջնորա թագաւորն
Երուսաղէմի Սաչակիր զօրօք, եւ հասեալ բանակեցան 'ի
կողմանս Տրքերական ծովու, ուր էր բանակն այլազգեաց .
և չմնացեալ գալստեան Ռոճէր կոմսին Անտիոքայ և Սին-
կեղ կոմսին Դրիփոլեայ, որոց ազդ արարեալ էր յառա-
ջադոյն հասանել 'ի թիկունս . աճառարեալ գրդուեաց ըզ-
պատերազմն՝ կամելով ժառանգել զանուն քաջութեան .
սակայն չարաչար յաղթահարեալ 'ի թշնամեաց, դարձաւ
'ի փախուստ կորանօք . բազումք 'ի մեծամեծաց իւրոց ան-
կան տապաւստ անդ, և կոտորեցան զօրքն հետեւակ . եւ
իսկ եւ իսկ հասանէր վտանգ կենաց թագաւորին, եթէ
փոքու իմն չէր հասեալ անդ կոմսին Անտիոքայ և թա-
փեալ զնա 'ի ձեռաց թշնամոյն : Ասեն Լատինք՝ թէ 'ի
դառնալ այլազգեաց 'ի պատերազմէն՝ դիմեցին եւ ելին
'ի լեռն թափօր, և թափեցին զցասումն սրտմտութեան
իւրեանց 'ի վերայ կրօնաւորացն քրիստոնէից կոտորելով
զնոսա : Զի 'ի լերինս յայսմիկ էին կառուցեալ վանօրայք
երիս 'ի պատիւ Պայծառակերպութեան Տեառն մերոյ
յաւուրց անտի Մեծին Կոստանդեայ և Հեղինեայ . յորոց